

茗齋集

一二

卷八

七

七

七

茗齋詩五言排律

淮南彭孫貽昇仁著

壽臺大申社五十

與爾生同歲承平萬曆年飄零俱五十雙髻各蒼然
流華才名讓連鑣出處先嗟君困韋布憶昔雅周旋
繡帟分詞藻長鯨聞酒泉壺驍天女電爐擁博山
烟角弁偏爭道聯床每共眠時人多辟易後起失攀緣
所詣真殊絕未茲孰比肩河山賭劉項日月暗丹鉛
一字真堪老千秋洵有權平津寧恨晚中壘未云賢
驥櫪心逾壯鸞栖會獨騫殷勤重相勗遲汝祖生鞭

歲晏二十韻

歲宴逢搖落江城更寂寥天文初掃彗市井半吹簫國是弘羊
貴流亡碩鼠謠錢輕浮白水賦急下青苗牛女吳分濶曹娥越
浸遙登臺句踐壘撫軫伯牙橋百戰羣雄謝千秋韻士凋波臣
堪一哭山鬼漫相招侯改潛迴臘風纖欲上潮檐梅紅乍放庭
霰凍全消愁絕悲書劍徘徊望斗杓酹顏悲自失檢帙燭頻燒
誰乞金莖露新埋玉樹條鳴箏憐小婦跨鶴羨王喬老母常念
蓼辛盤莫頌椒躬叫慚未得頭責故宜譙日月虛危近春光管
葛饒此中宜釣弋吾道在漁樵舊友多軒冕狂生復復陶塵埃
依短褐雙髯莽蕭蕭

黃岡熊太夫人以五日八袞初度是日僉憲少子彌月得

二十四韻

熊繹開文昨衆衡降魏華實綸通德里玉誥女真家曾侍司農
履言脩敬叔鑒門風承有道相政肅無譁穆、光前烈繼、屬
後車名派生汚水才子出長沙祥覽寧珠視辛陽可並誇一朝
建銅馬八口還浮查脈儲資餘橐扶創起衆痾昇平經曹華接
武在宮花陶鮓隨封却潘與畏路賒風清廉訪節霜淨憲官衙
填海方驅鐸撐天欲補媧波臣爭效職澤國免沉鼉愛日慈顏
駐延年握算選魚龍看競渡艾帟挿祛邪寄縷俱長命分符佩
建牙更逢彌月慶正值壽星加麟吐雙垂紱飴含五色瓜獻觴
蒲遠泛襟繡牙重遮江漢黃州濶升恒赤道斜旄旒同頂祝忠

孝合冠珈驛使何時祭湘靈訪木差臺烏此南望心繞渚宮鴉

過金粟山觀弘覺禪師筆嚴道場二十二韻

赤烏開勝蹟白乳徧遐陬異域高人至傳燈古德留羣峰朝角
里八月正清秋澗擘黃巢弄潮吞徐福州函虛依品物諸妄滅
浮誕大法中興日皇綱四表收帝師真不世僧海遼難儔退
位來金粟逃禪避石頭指天逢降誕初地集熏脩結果成花藏
連幢湧蜃樓魚龍混凡聖神鬼明幽血氣咸瞻仰重瞳識袞
旒山河俱穆、覆載兩悠、浩劫戈長偃輪王願始酬當機笑
梁武弘護薄裴休發嶺橫台隍吳分入女牛獨携筇竹杖輕蕩
水蘭舟煖芋尋殘瓚烹茶問趙州自憐居士服章入寶坊遊梵

網悲摩竭歸程冒石尤藏名蓮社外評唱竺仙流莫負三生約
相期老比丘

謁尚胥橋任相國祠十六韻

吳越當年事興亡在子胥霸圖紛割據烈士見誅鋤忠孝心無
二君親恨有餘由來多彼婦失策笑狂且佞舌何其巧謀身亦
已疎此邦尊節緊遺廟護推蘇怒馬潮三折靈旂鬼一車舟移
如屋井橋跨戴山魚附會傳神恠狐祥托掃除嫗平憑嶺女士
偶配專諸不少吹簫侶空留直諫書薄蓮成歲晚古木隱邨墟
乞食黃冠出巖寒白雪初墓田翁仲路窮狗社公廬郢客仇誰
報荆尸穴自豬牡懷生感激彈劍獨踟蹰

甲子日

旋馬當時第高門未有人前朝摧桀戰老母意悲辛通德猶懸
榜餘光自照鄉凋零兄弟盡感際歲華新日者推年命天官驗
次辰星張離位正甲子納音真倏忽新豐徙居然故邱因桃符
增氣象樓閣想金銀喜洽交親外恩私燕雀均較闕潮向越谷
水輦通秦克害談何謬拘牽笑絕倫惟應喬木蔭培植幾爭春
投贈甬東范潞公吏部二十韻

奎壁當垣上川原照甬東九流歸水鏡列辟仰山公得士金臺
壯持衡玉尺同及門咸俊人品物表清通秦晉真才藪闕河大
國風華陰撐漢立砥柱批囊中所顧方允驥登材必梓桐當年

舊桃李今日已朱熊 主眷方前席臣心自匪躬
歸思鳴代馬 行旅托江鴻
湖海雙游屐 烟波一釣筒
農書請地母 禪悅寄天童
囊只詩千首 樽長酒不空
浮踪烏夜里 信宿梵王宮
金粟鷹窠下 黃鸝輦道雄
相期俱策杖 初月正如弓
星照天官動 花辰淑景融
跡狂容傲客 湫隘訪衰翁
題字過車騎 謳吟獻草蟲
懷徒耿々清 畫欲成虹

殫事

殫事章初下 閭閻氣一新
瀕年困馘扑 比室話酸辛
司計名方削 民間頤已申
滄波寬白水 夏雨洽青蘋
上顧誅求急 官今聚斂頻
海天空漠漠 星野暮鱗鱗
稍慰創夷起 聊存婦子親
巫歌

歡賽社倡舞劇娛神俗汰能無儉年豐孰俠貧何時見良夫重
返土風淳

秋柳十二韻

貽摠角學詩世父上海公有秋柳諸詠故為十餘首
叔王父節懿先生亦拈哀柳十韻其詩尚黏些壁詩既
流麗字復道媚拊今思昔此景難追敬和得十二韻

東山娛柱火羣從竹林遊老去攀條惜情多詠物愁何堪如此
樹無乃不宜秋露冷三史笛天涯獨客舟那能怨搖落重復見
風流世態猶青眼騷人已白頭感時絲觸緒縈歲月當樓前正
詩篇逸弄姿草聖道綺言高落。波瀾偃颼。餘陰誰相繼清

陰遂莫留徘徊故園廢惆悵昔賢休五柳門空在遺書爛漫收
董生寄買梭鞋于吳門成十韻戲筆故為之

階下桺桐樹圍之大有奇空勞持草蕒誰解折霜皮雨脆橫勢
縷風堅未縷絲織成無巨擘賣去少桃椎君向吳趨里遙尋市
販兒金閨花沒趾林屋霧乘標朱履三千散青鞵幾兩隨兒輕
思變歸蛇窺笑憐雙耳辨山人屬休依帝者師涼秋逐行脚遍
踏白雲睡

董大商隱以梭鞋一軸見餉步未韻賦謝

耽奇至頌白脫屣逐緇黃敗屐煩頻蠟晨霜踐早陽多君梭鞋
贈憐我跣痕蒼綦織枕柳紫絢粘蠻蛋香八嵐渾不濕踏雪儼

成行直上丹梯捷，輕便白足涼猿緣。穿鳥道，雀躍遇雲將過比。
今無墜携，滕遂束裝出門從荷蕢。見屨莫升堂，豁公攀躋易蹇。
裳可溢觴。

寄懷胡山移居梅里兼示周簣

自爾移梅里，行藏近若何。佳山雖覺遠，勝友此中多。句好園林
有，民淳市井和。鹿麋隨藥物，魚步集鹽醪。拜母時留客，携妻解
辟纒。草堂忘旅食，花塢任狂歌。尺素聊相寄，輕航待一過。叩門
思劇孟，捉筆擬劉軻。人事悲萍梗，天寒改芟荷。因風附來雁，為
報意蹉跎。

喜雨

大火司炎正驕陽滿載函忽驚未霖霖未止西廡纖生氣勾萌
直飛梁瀑布銜迴翔歡鳥雀膏沐潤松杉無復需行蓋還應命
酒監臨風殊勝浴當暑恰宜衫萬馬喧胥相千絲戛阮咸河流
清可俟塵界滌非冗雲濕山踰淡泉奔海不鹹昭蘇新萬物混
一暝諸巖林蕨知應長携蓑荷短櫂

九日無菊

清秋微雨後何處是重陽籬下誰逢菊林端未著霜薄寒增薄
絮小病閉茆堂風急低聞雁菱稀懶出塘淮叢猶有桂魚澤少
為梁朝氣迎無射高真降長房登山懷管葛倡詠疊錢卽却憶
題饒客茱萸可寄將

子服信弦各以九日無菊和章見示欣然再疊前韻

餐英憐楚客方誦帝高陽疊至牋如葉篇皆字有霜誰知池草
夢不離讀書堂携屐同尋菊觀潮尚過塘平沙思戲馬野涉羨
輿梁顧我衰癯筆佳人老退房名微恥克隱賞之薄為郎只合
投詩社評論聽子將

三疊前韻示信弦

一從彭澤返十載憶潯陽今日逢佳節微寒少傲霜入林盡南
阮得白湔西堂花發長連夢蒲生豈上塘不材宜實社欲濟愧
為梁采藥投王屋飡芝笑子房若非籬下客寧慕殿中郎落帽
何當惜朋簪好共將

查王望給諫改授西臺復從臺班還省擬賦賀十二韻

左掖辭仙禁中臺借惠文聊從簪筆侶暫謝拾遺羣
威鳳垣初下神羊角遂分巖廊雖異署對仗自相聞
省院仍聯陞班朝總致君詎知書事易依舊諫書旋
青璫環重召黃門組載紛霜收持斧路花散躍驄雲
夕拜歸綸闥橫床謝祿勲端公俱避列給舍慰交殷
執戟郎星聚含香奏謁芬風稜南憲重封駁動高靈

和南海屈翁山大均華嶽百韻詩

鶉首司清昊華趺矗冥茫圖儀交并給坤位表金方
扼險嬰圻輔尊崇祀辟王名臚禹敷物職述舜垂裳
陟板橫侵漢含研巧架梁崢嶸元氣洩劓絕地靈妨
白虎垣凝鎮青牛道可望孽痕

溪巨蹠泥濘罅周防幻妄看雙掌傳訛尚半航鑽闕艱室筍罄
欬若鳴琅混沌雕鏤盡真形橐籥藏沙丘龍不死博箭柏無央
吻渴思船藕中枵想帝漿萬神屯岵嶧西曜隱經常度孔穿惟
竅盤鉤銳有銚學獼枝距踊駭鹿坂騰驤隴塞分超忽關河硤
翁張東封驪鑿隧南燼鳥隨陽綆結紫宦實牕排闥奧堂實沉
宜正昂少皞恰迴商俯瞰卑同谷遐觀眇太行堪輿盈幅頁粉
本疊巾箱華蓋搖璇液神樓眩絳房輞川昏累黍雍時沒微崗
目瞬移毫末身輕賤稻粱罌甕凌棚々汎覽苦芒々縱未顛而
哭能無髮已霜窮高負鵬背澀趾繡魚腸呼吸恒通座穹窿待
倚閭扶骨精震盪豁滯兩汪洋顧我遊多卧懷人黯自傷山畿

歌往：醴漢酌壤：茅狗俾初馭朱旗倏載翔蜀門橫兩峽吳
觀隔雷塘陳寶蓋論霸礪谿罷釣璜攀躋增感聚丘壑洵難忘
翹企簪頻墜摩空袂忽颺幾家紛割據何處泯邊疆不改金天
仗居然玉女漿蒲池仍湛：麟蹟故跡：穀辟蠲三秀衣銖減
七襄雞啼夢天姥爵躍遇雲將智叟愚終徒彭鏗老小鴛聊晞
洗盆髮詎溫浴泉湯阻隘臨潼急圖經入陝長緘來吟嶽什恍
挹素靈觴酒母疑真降仙油儼乍嘗肉飛升若水委悅視空桑
屈子湘纍^系夜秦遊蠟屐黃探幽傲韓愈大手壓陳璋龜息泥丸
壽蒿眉火色昌徘徊登落崖躑躅且相羊幢節紛琳宇杉梧夾
院廊杪携魁攬拾晝暝宿熒煌祗璽穿蛇腹腰縑貫鶴吭千三